

 REPUBLIKA E KOSOVËS REPUBLIKA KOSOVA REPUBLIC OF KOSOVO		 KOMUNA E VUSHTRRISE OPSTINA VUCITRN MUNICIPALITY OF VUSHTRRI
--	--	---

Në mbështetje të nenit 12.2 pika c, nenit 17, pika f, nenit 40.2, pika a dhe g, të Ligjit Nr. 03/L-040 për Vetëqeverisje Lokale i shpallur në Gazetën Zyrtare të Republikës së Kosovës me datë 04.06.2008, nenit 8, pika a, nenit 15 pika f, dhe nenin 19.1, të Ligjit Nr. 03/L-049 për Financat e Pushtetit Lokal i shpallur në Gazetën Zyrtare të Republikës së Kosovës me datë 03.06.2008, neni 15 dhe 34 të Ligjit Nr. 04/L – 60 për Mbeturina i shpallur në Gazetën Zyrtare të Republikës së Kosovës me datë 29.06.2012, Ligjin Nr. 08/L-071 për Ndryshimin dhe Plotësimin e Ligjit Nr. 04/L-060 për Mbeturina e shpallur në Gazetën Zyrtare të Republikës së Kosovës me datë 01.09.2022 dhe nenit 13 nën par. 1.6, nenit 18 nën par. 1.1 të Statutit Nr. 209/22 të Komunës së Vushtrrisë të miratuar me datë 06.09.2022 nga Kuvendi Komunal i Vushtrrisë, Kuvendi i Komunës së Vushtrrisë, në mbledhjen _____, e mbajtur _____.**2026**, miratoi këtë:

DRAFT – RREGULLORE PËR MENAXHIMIN E MBETURINAVE NË KOMUNËN E VUSHTRRISE

Neni 1

Dispozitat e përgjithshme

Kjo rregullore përshkruan përmbajtjen dhe mënyrën e ofrimit të shërbimit publik, mënyrën e menaxhimit të mbeturinave në lidhje me shërbimit publik të mbledhjes së mbeturinave komunale, komerciale dhe jo vetëm, mënyrën dhe kushtet e përcaktimit të tarifën për pagesën e mbeturinave komunale për amvisëri dhe biznese.

Neni 2

Qëllimi

1. Kjo rregullore përcakton çështjen e menaxhimit të mbeturinave komunale, si dhe vlerën

(shumën) e tarifës për mbeturina, me qëllim që të krijohet një sistem i qëndrueshëm financiar për menagjimin e mbeturinave, dhe ekonomikisht të efektshëm të mbledhjes së mbeturinave komunale në Komunën e Vushtrrisë, në përputhje me parimet e zhvillimit të qëndrueshëm, mbrojtjes së mjedisit, menaxhimit të mbeturinave dhe mbrojtja e interesit publik.

2. Me këtë rregullore përcaktohet sistemi, mënyra e mbledhjes, ndarjes, përpunimit, llojin, mënyrën e shpërndarjes dhe të vendosjes së kontejnerëve, mirëmbajtjen e vendeve ku bëhet mbledhja e mbeturinave dhe transportimi i tyre.

Neni 3 **Fushëveprimi**

Kjo Rregullore definon kushtet për menaxhimin e integruar të mbeturinave për të zvogëluar sasinë që deponohet, shkarkimin, grumbullimin, transportimin dhe deponimin. Gjithashtu në kuadër të fushë veprimtarisë bënë pjesë edhe ndarja dhe aktivitetet e riciklimit, me qëllim të ruajtjes (mbrojtjes) së mjedisit jetësor në tërë territorin e Komunës së Vushtrrisë.

Neni 4 **Përkufizimet**

1. Përkufizimet në këtë rregullore kanë këtë domethënie:

- 1.1 Mbeturina** - substancë apo objekt që prodhuesi - zotëruesi e hedh, ka për qëllim ta hedh ose është i detyruar ta hedh.
- 1.2 Menaxhimi i mbeturinave** – (në tekstin e mëtejme i referohemi MM), aktivitetet për evitim, reduktimin e prodhimit të mbeturinave, ndikimit të tyre në mjedis dhe në shëndetin e njeriut, mbledhjen, transportin, trajtimin, ripërdorimin, përpunimin, riciklimin dhe deponimin përfundimtar të mbeturinës, përfshirë monitorimin dhe kujdesin edhe pas kryerjes së tyre.
- 1.3 Operatori** – nënkupton personin e pajisur me leje përkatëse mjedisore i cili në përputhje me dispozitat e këtij ligji menaxhon, kontrollon, është përgjegjës për objektet dhe pajisjet e mbeturinave dhe është i autorizuar të marrë vendime në lidhje me funksionet ekonomike ose teknike të pajisjeve dhe objekteve.
- 1.4 Leje përkatëse mjedisore** - nënkupton Leje mjedisore ose Leje mjedisore e integruar ose Leje mjedisore komunale, të përkufizuara sipas ligjit përkatës për mbrojtjen e mjedisit dhe Ligjit përkatës për Parandalimin dhe Kontrollin e Integruar të Ndotjes
- 1.5 Person** - person fizik ose juridik i cili është i përfshirë në mënyrë të drejtpërdrejt ose tërthorazi, në proceset për menaxhimin e mbeturinave.
- 1.6 Konsumatori** – person fizik dhe juridik të cilëve u ofrohen shërbime për mbeturinat.
- 1.7 Ri-përdorimi** – përdorim i serishëm përmes së cilit çdo produkt apo komponentë e cila nuk është mbeturinë, përdoret përsëri për të njëjtin qëllim.
- 1.8 Riciklimi** - çdo operim të përpunimit nga i cili materialet mbeturinë janë rikthyer në produkte, materiale, substanca qoftë si origjinale apo për qëllime tjera. Kjo përfshinë

rikthimin e materialeve organike por nuk përfshinë përfitimin e energjisë dhe ripërpunimin në materiale që përdoren si karburante apo për operimet e mbulimit të mbeturinave;

- 1.9 Mbledhja** – grumbullim i mbeturinave duke përfshirë klasifikimin paraprak në lloje dhe magazinimin e mbeturinave për qëllime të bartjes deri në objekti për trajtim ose deponim të mbeturinave.
- 1.10 Mbledhja e selektuar** - nënkupton mbledhjen, kur grumbullimi i mbeturinave bëhet në mënyrë të ndare në lloje, të klasifikuara sipas natyrës dhe pajisjeve për të lehtësuar trajtimin specifik.
- 1.11 Gjenerues i mbeturinës** – çdo person, veprimtaria e të cilit krijon/prodhon mbeturinë ose operime tjera të cilat rezultojnë në ndryshimin e natyrës apo përbërjen e mbeturinës.
- 1.12 Zotëruesi i mbeturinës** - gjeneruesi i mbeturinës apo personi që e posedon mbeturinën.
- 1.13 Ekonomit familjare rezidente**- njesit familjare qe banojn ne menyre te perhereshme ne nje objekt banesor brenda teritorit te kounes dhe qe gjeneron mbeturina komunale ne menyre te rregullte duke qen subjekt i sherbimeve te grumbullimit dhe pageses se tarifes per menagjimin e mbeturinave.
- 1.14 Ekonomit familjare jorezidente**- njesi familjare qe nuk banon ne mneyr te perhersheme ne nje objekt banesor brenda territorit te komunes, por e perdor at ne menyre te perkoheshem ose sezonale. Duke gjeneru mbeturina komunale vetem gjate shfritezimit te objektit.
- 1.15 Ekonomit familjare pasive**- njesi familjare ose objekt banesor qe nuk esht i banuar dhe qe nuk gjeneron mbeturin komunale.
- 1.16 Mbeturina komunale** - nënkupton: mbeturinat e përziera dhe mbeturinat shtëpiake të grumbulluara veç e veç, duke përfshirë letrën dhe kartuçin, qelqin, metalet, plastikën, mbetjet bio, drunjtë, tekstilet, paketimin, pajisjet e mbeturinave elektrike dhe elektronike, bateritë dhe akumulatorët e mbeturinave, mbeturinat vëllimore, përfshirë dyshekët dhe mobiliet; mbeturinat e përziera dhe mbeturinat e grumbulluara veçmas nga burimet e tjera, kur mbeturinat e tilla janë të ngjashme në natyrë dhe përbërje me mbeturinat shtëpiake, dhe mbeturinat komunale nuk përfshijnë mbeturinat nga prodhimi, bujqësia, pylltaria, peshkimi, tankerët septike dhe rrjetet e kanalizimeve, si dhe nga trajtimi i ujërave të zeza, duke përfshirë llumrat e ujërave të zeza, mbeturinat e automjeteve ose mbeturinat e ndërtimit.
- 1.17 Bio-mbeturina** - nënkupton mbeturinat e biodegradueshme të kopshteve dhe parqeve, mbeturinat ushqimore dhe të kuzhinës nga amvisëritë, zyrat, restorantet, shitësit e shumicë, mensat etj.
- 1.18 Mbeturina e parrezikshme** - mbeturina që nuk paraqesin rrezik për mjedisin dhe shëndetin e njeriut si dhe nuk kanë karakteristika të mbeturinave të rrezikshme.
- 1.19 Mbeturina komerciale** - mbeturinat të cilat vijnë nga objektet që përdoren për qëllimet e tregut ose biznesit, sportit, edukimit, rekreacionit, si dhe çdo mbeturinë e prodhuar nga një biznes duke përfshirë por jo kufizuar, në letër, karton, kanaçe, paketim me pakicë dhe

mbështjellës ushqimi.

1.20 Mbeturina inerte - mbeturina të cilat nuk pësojnë ndonjë ndryshim të rëndësishëm fizik, kimik dhe biologjik në vendet ku janë deponuar si mbeturinat që nuk treten, nuk ndizen ose nuk reagojnë fizikisht apo kimikisht, nuk zbërthehen biologjikisht në kontakt me materiet tjera dhe nuk ndikojnë në mënyrë të ndjeshme në mjedisin dhe shëndetin e njeriut, ku i tërë kullimi dhe përmbajtja ndotëse e mbeturinës (mbetjet ekotoksike) duhet të jenë të vlerës së papërfillshme dhe të mos rrezikojnë cilësinë e ujërave sipërfaqësore dhe nëntokësore.

1.21 Mbeturinë e vëllimshme - mbeturina me përmasa të mëdha fizike nga pajisjet dhe makineritë, grumbullimi, transportimi dhe largimi i të cilave bëhet në mënyrë të veçantë.

1.22 Mbeturina ndërtimi dhe rrënimi – nënkupton mbeturinat e krijuara nga aktivitetet e ndërtimit dhe prishjes.

1.23 Kontratë për mbledhjen dhe transportimin e mbeturinave komunale – nënkupton kontratën në të cilën mbledhësi i mbeturinave bën mbledhjen dhe transportimin e mbeturinave komerciale për llogari të gjeneruesit të mbeturinave

1.24 Faturë – nënkupton një dokument i besueshëm i cili i dërgohet debitorit për përmbushjen e detyrimit nga ana e tij.

1.25 Qendra grumbulluese – Lokacioni për grumbullimin e mbeturinave të ndara sipas llojeve të tyre.

1.26 (3R) – reduktim, ripërdorim, riciklim

1.27 Gjinia – fjalët dhe titujt e një gjinie përfshijnë edhe gjininë tjetër.

1.28 Njëjës/shumës - njëjësi do të nënkuptojë shumësin dhe anasjelltas.

Neni 5

Mbledhja, grumbullimi dhe transportimi i mbeturinave

1. Mbledhja, grumbullimi dhe transportimi i mbeturinave bëhet nga personi i pajisur me leje mjedisore komunale dhe i kontraktuar nga komuna, prej gjeneruesit e deri në deponinë e mbeturinave.
2. Mbeturinat e rrezikshme, para se të mblidhen dhe transportohen, klasifikohen sipas llojeve të tyre, pastaj mblidhen dhe transportohen.
3. Nëse gjatë transportimit të mbeturinave ndodhë ndotja, transportuesi është i detyruar që vendin e ndotur ta kthejë në gjendje të mëparshme.

Neni 6

Menaxhimi i mbeturinave nga Komuna

1. Përgjegjësitë e Komunës në lidhje me menaxhimin e mbeturinave janë:
 - 1.1 Krijimi i një sistemi të qëndrueshëm për menaxhimin e mbeturinave komunale.
 - 1.2 Krijimi i një sistemi të qëndrueshëm financiar.

- 1.3 Kontraktimi i shërbimeve për menaxhimin e mbeturinave, duke u bazuar në dispozitat e Ligjit përkatës të prokurimit, përzgjedh operatorët e pajisur me leje përkatëse mjedisore për mbledhjen, grumbullimin, magazinimin e mbeturinave: inerte, komunale, komerciale, të vëllimshme, dhe mbeturinat, ndërtimet dhe demolimet e objekteve ndërtimore brenda territorit të tyre.
- 1.4 Formimi i sektorit për menaxhimin e mbeturinave, në kuadër të Drejtorisë së Shërbimeve Publike:
- 1.5 Monitorimi dhe udhëzimi për ofruesit e shërbimeve për grumbullimin, transportimin dhe deponimin e mbeturinave bëhet nga Sektori për menaxhimin e mbeturinave.
- 1.6 Të bëjë monitorimin mjedisor të qendrës së paketimit të mbeturinave të riciklueshme, e cila është ndërtuar në fshatin Bukosh.
- 1.7 Të identifikoj dhe evitojë pikat ilegale të mbeturinave.
- 1.8 Përcaktimi i lokacioneve të reja dhe llojit të kontejnerëve bëhet në bashkëpunim me operatorin dhe palët e treta.
- 1.9 Promovimi i reduktimit të sasisë së mbeturinave (përmes metodave të 3R, ndarjes në burim dhe kompostimit shtëpiak).
- 1.10 Ngritja e vetëdijes publike - pjesëmarrja aktive e qytetarëve në zbatimin e Planit të menaxhimit të mbeturinave.
- 1.11 Planifikimi buxhetor për funksionimin e menaxhimit të mbeturinave.
- 1.12 Faturimi vjetor i tarifës për mbeturina, organizimi dhe shpërndarja e tyre.
- 1.13 Shqyrtimi ankesave dhe parashtrësive të paraqitura nga personi fizik dhe juridik lidhur me faturimin për mbeturina.
- 1.14 Përcaktimi i tarifës dhe mënyra e arkëtimit të mjeteve financiare.
- 1.15 Dorëzimi i Raportit në Ministrinë e Mjedisit dhe Planifikimit Hapësinor, për menaxhim të mbeturinave çdo 31 mars të vitit pasues.
- 1.16 Sigurimi i kushteve të barabarta për veprim për operatorët publik dhe privat, mirëpo që operatori ekonomik publik në pajtim me nenin 9 par. 4 të Ligjit Nr. 04/L-042 për Prokurimin Publik në Republikën e Kosovës ka përparësi, e që rast përjashtim mund të jetë ndonjë rrethanë e jashtëzakonshme kur operatori ekonomik publik nuk mund të ofrojë shërbim, mund të vie në shprehje të kontraktohet një operator privat i pajisur me leje mjedisore. Pajisë me leje mjedisore komunale, operatorët që merren vetëm me bartjen dhe transportimin e mbeturinave komunale.

Neni 7

Të drejtat dhe detyrat e gjeneruesve të mbeturinave

1. Gjeneruesi i mbeturinave ka të drejtë të kërkojë që t'i bëhet zbrazja e kontejnerit.
2. Gjeneruesi i mbeturinave ka të drejtë të kërkojë që me rastin e zbrazjes së kontejnerit nga operatori i kontraktuar të bëjë edhe dezinfektimin e të njëjtit së paku një (1) herë në vit, dhe të bëjë pastrimin e hapësirës përreth kontejnerit qdo muaj.

3. Gjeneruesi i mbeturinave ka të drejtën e parashtrimit të ankesës në rastet kur nuk bëhet mbledhja e mbeturinave që ai gjeneron.
4. Gjeneruesi i mbeturinave është i obliguar të përfshihet në sistemin e menaxhimit të mbeturinave dhe ka të drejtë qasjeje në shërbimin e ofruar.
5. Gjeneruesi i mbeturinave është i obliguar të paguajë për shërbimin që pranon tarifën e përcaktuar në shtojcën e kësaj rregulloreje, dhe gjeneruesi paguan në bazë të parimit “Ndotësi Pagan”.
6. Gjeneruesi i mbeturinave duhet t’i mundësojë qasje operatorit në vendin e dorëzimit të mbeturinave.
7. Gjeneruesi i mbeturinave duhet të respektoj rregullat e shkarkimit të përcaktuara sipas planit lokal të menaxhimit të mbeturinave.
8. Gjeneruesi i mbeturinave është i obliguar të bëjë hedhjen e mbeturinave në vende të caktuara nga ana e Komunës për mbledhjen e mbeturinave.
9. Gjeneruesi i mbeturinave duhet të bëjë përpjekje për zvogëlimin e sasisë së mbeturinave.
10. Gjeneruesi i mbeturinave duhet të paraqes ndryshimin e të dhënave (siç janë: shitja e pronës, trashëgimia dhe dëshmitë tjera relevante).
11. Regjistrimet e reja të amvisërive në sistem bëhen në bazë të këtyre kritereve:
 - 11.1 Para kontrata dhe kontrata e shitblerjes.
 - 11.2 Blerësi duhet të regjistrohet në sistem, nëse nuk është i regjistruar paraprakisht nga data e nënshkrimit të kontratës, ndërsa shitësit vetëm adresa i ndryshohet.
 - 11.3 Regjistrimi i njehsorit të rrymës elektrike.
 - 11.4 Konfirmimi i pagesës së faturës për mbeturina për vendbanimin paraprak.
 - 11.5 Dokumenti identifikues.
12. Për shërbimin e ofruar, gjeneruesi obligohet të paguaj tarifën e shërbimit.
13. Gjeneruesi i mbeturinave, duhet të bashkëpunoj me autoritetin publik, për të siguruar një mjedis të pastër.
14. Gjeneruesi i mbeturinave është i obliguar të regjistrohet në listat e shërbimit të gjeneruesve për mbledhjen dhe transportimin e mbeturinave.
15. Gjeneruesi i mbeturinave detyrohet që mbeturinat t’i ndajë dhe t’i vendos sipas sistemit të përcaktuar në planin e operimit të përcaktuar nga ndermarrja.
16. Ndërmarrjet prodhuese, ndërtuese dhe tjera në cilësinë e gjeneruesve të mbeturinave, obligohen që Ndermarrjes NPL “Perparim”, t’ia dorëzojnë planin e menaxhimit të mbeturinave, gjatë ushtrimit të veprimtarisë së tyre, të posedojn kontratë për bartjen e mbeturinave gjatë realizimit të kontratës.

Neni 8

Kategorizimi i gjeneruesve të mbeturinave

1. Gjeneruesit e mbeturinave kategorizohen si më poshtë:
 - 1.1 Kategoritë e amvisërive ndahen në nën kategoritë si në vijim:

- 1.1.1 Familjet rezidente;
 - 1.1.2 Familjet jo rezidente nga diaspora;
 - 1.1.3 Ekonomit familjare pasive
- 1.2 Kategoritë e gjeneruesve të mbeturinave që rrjedhin nga bizneset të ndarë në nën kategoritë si në vijim:
- 1.2.1 **Nënkategoria e parë** përfshinë veprimtaritë e vogla zejtare dhe shërbyese siç janë: kioskat, shitoret dhe dyqanet e madhësisë së ngjashme me të kioskave, shitoret e dyqanet e vogla, siç janë shitësit e kafes, disqeve, kozmetikës, syzeve e thjerrëzave dhe suvenireve (dhuratave të vogla), argjendaritë, orëtarët, agjencitë turistike, rrobaqepësit, këpucëtarët, fotografët, butikët, libraritë, dyqanet e pastrimit kimik, ordinancat, llamarinë-punuesit dhe axhustatorët, zyrat e shërbimeve profesionale me madhësi deri në 20 m² siç janë zyrat e vogla të avokatëve, noterëve, përmbauesve, këshilltarëve financiar, veprimtari të tjera të vogla, siç janë parkingjet, qendrat e video-lojërave dhe kurset e gjuhëve dhe teknologjisë, veprimtari të tjera të ngjashme për nga madhësia dhe sasia e mbeturinave që gjenerojnë.
 - 1.2.2 **Nënkategoria e dytë** përfshinë subjekte të mesme dhe të mëdha komerciale dhe industriale me kosto të ulët të shërbimit siç janë: lokalet për shitjen dhe mirëmbajtjen automjeteve (duke përjashtuar limarët), frizerët dhe lokalet e tjera të kujdesit personal, barnatoret, zyrat e shërbimeve profesionale me madhësi mbi 20 m² siç janë zyrat e vogla të avokatëve, noterëve, përmbauesve, këshilltarëve financiar, klinika të ndryshme, serviset e pajisjeve teknike dhe elektronike, bankat, sallonet e sanitarisë, qendrat e fitnesit, shitoret e vogla, përfshirë shitoret sanitare, të mobileve, auto pjesëve, tekstilit dhe këpucëve, ndërmarrjet publike, dhe veprimtarive të tjera të ngjashme për nga madhësia dhe sasia e mbeturinave që gjenerojnë.
 - 1.2.3 **Nënkategoria e tretë** përfshinë subjektet e mesme dhe të mëdha komerciale e industriale me kosto të moderuar të shërbimit siç janë: furrat e bukës dhe byrektoret, kafiteritë dhe lokalet të ushqimit të shpejtë, shitoret ushqimore dhe podrumet e pijeve, sallonet e mëdha të mobilie, qendrat sportive, veprimtaritë zejtare, limarët dhe xhamaprerësit, spitalet sa i përket mbeturinave komunale, pompat e benzinës me minimarket, veprimtari të tjera të ngjashme për nga madhësia dhe sasia e mbeturinave që gjenerojnë.
 - 1.2.4 **Nënkategoria e katërt** përfshin subjektet e mesme dhe të mëdha komerciale industriale me kosto të lartë të shërbimit siç janë: dyqanet e mëdha (super marketet), restorantet (për ahengje familjare, salla dasmash etj.), gjellëtoret, klubet e natës, veprimtaritë hoteliere, pompat e benzinës me restorant, mishtoret, thertoret dhe veprimtari të tjera të ngjashme për nga madhësia dhe sasia e mbeturinave që gjenerojnë.
- 1.3 Kategoritë e gjeneruesve të mbeturinave që rrjedhin nga institucionet publike, OJQ dhe institucionet e tjera:
- 1.3.1 Institucionet publike, OJQ dhe institucionet e tjera me kosto të ulët të shërbimit që përfshinë: Zyrën e Punësimit, Agjencioni për Regjistrim Civil, Ambulantet e Mjekësisë familjare, Qendra për Punë Sociale, Zyrat e Partive Politike, dhe

institucione të tjera të ngjashme për nga madhësia dhe sasia e mbeturinave që gjenerojnë.

1.3.2 Institucionet publike, OJQ dhe institucionet e tjera me kosto të mesme të shërbimit që përfshinë: Shkollat fillore dhe të mesme, Qendra Kryesore e Mjekësisë Familjare dhe Qendrat e Mjekësisë Familjare, Spitali Regjional Sheikh Zayed sa i përket mbeturinave komunale, Halla e Sporteve – Jeton Tërstena – Tota, Stadiumi i Futbollit – Ferki Aliu, Stadiumi i Futbollit në fsh. Doberlluke, Fakulteti i Sigurisë Publike, Gjykata Themelore Mitrovicë – Dega në Vushtrri, dhe institucione të tjera të ngjashme për nga madhësia dhe sasia e mbeturinave që gjenerojnë.

1.3.3 Institucionet publike, OJQ dhe institucionet e tjera me kosto të lartë të shërbimit që përfshinë: Akademia për Siguri Publike, Stacionet Policore, Qendra korrektuese në Smrekonicë dhe institucione të tjera të ngjashme për nga madhësia dhe sasia e mbeturinave që gjenerojnë.

2. Tarifat e përcaktuara në lidhje me kategorizimet e lart cekura gjenden nënin 9 të kësaj rregulloreje.
3. Operatori ekonomik duhet të bëjë lidhjen e kontratave individuale me kategoritë e gjeneruesve të mbeturinave të cekur në nën par. 1.2 dhe 1.3.

Neni 9

Tarifa për mbeturina

1. Tarifa për mbeturina, faturohet dhe inkasohet si në vijim:
 - 1.1 Për ekonomit familjare, bizneset dhe institucionet publik e bën ndërmarrja NPL Perparimi SH.A.
2. Tarifa për ekonomitë familjare rezidente dhe jo rezidente caktohet si në vijim:
 - 2.1 Ekonomitë familjare rezidente do të paguajnë shumën në vlerë prej **8.00€** në muaj.
 - 2.2 Ekonomitë familjare jo rezidente do të paguajnë shumën në vlerë prej **40.00€** në vit.
3. Tarifa për bizneset, institucionet publike, OJQ-të dhe institucione të tjera do të përcaktohen si në vijim:
 - 3.1 Nënkatëgoria e parë që përfshinë veprimtaritë e vogla zejtare dhe shërbyese do të ngarkohet prej 8.00€ në muaj.
 - 3.2 Nënkatëgoria e dytë që përfshinë subjekte të mesme dhe të mëdha komerciale dhe industriale me kosto të ulët të shërbimit do të ngarkohet në shumën në vlerë– 20.00€ në muaj.
 - 3.3 Nënkatëgoria e tretë që përfshinë subjektet e mesme dhe të mëdha komerciale e industriale me kosto të moderuar të shërbimit, do të ngarkohet në shumën në vlerë prej 25.00€ për muaj.
 - 3.4 Nënkatëgoria e katërt që përfshinë subjektet e mesme dhe të mëdha komerciale industriale me kosto të lartë të shërbimit do të ngarkohet si në vijim:
 - 3.4.1 Për zbrazjen e kontejnerit 1.1 m³ në vlerë prej 14.00€
 - 3.4.1.1 Bizneset me më shumë se një zbrazje të kontejnerëve 1.1 faturohen me 10 €

për çdo zbrazje tjetër.

3.4.2 Për zbrazje me kontejnerëve 5 m³ në vlerë prej 60 €

3.4.3 Për zbrazjen e kontejnerit 7 m³ në vlerë prej 75.00€.

3.5 Institucionet publike, OJQ – të dhe institucionet e tjera me kosto të ulët të shërbimit do të ngarkohen në shumën në vlerë prej 10.00€ në muaj.

3.6 Institucionet publike, OJQ – të dhe institucionet e tjera me kosto të mesëm të shërbimit do të ngarkohen në shumën në vlerë prej 20.00€ në muaj.

3.7 Institucionet publike, OJQ – të dhe institucionet e tjera me kosto të lartë të shërbimit do të ngarkohen si në vijim:

3.7.1 Për zbrazjen e kontejnerit 1.1 m³ në vlerë prej 14.00€.

3.7.2 Për zbrazjen e kontejnerit 7 m³ në vlerë prej 75.00€.

- 4.** Shpërndarja e faturës së mbeturinave bëhet duke u bazuar në sistemin e të dhënave që ka ndermarrja, ku gjeneruesve të mbeturinave do t'u dorëzohet fatura **ne qdo 3 muaj**.
- 5.** Dorëzimi i faturave bëhet në pajtueshmëri me nenin 109 par. 2 të Ligjit Nr. 05/L -031 për Procedurën e Përgjithshme Administrative, ku dorëzimi do të bëhet përmes postës elektronike apo fizike.
- 6.** Pagesa e tarifës për mbeturina mund të bëhet në sportele ose në institucionet financiare për pagesa që percakton NPL Perparimi sh.a.
- 7.** Gjeneruesit mund të parapaguajnë tarifat për gjashtë (6) muaj ose një (1) vit.
- 8.** Secili gjenerues që banon me qira ose qiradhanesi, është i obliguar të bëjë pagesën për mbeturina në emër personal dhe duhet të regjistrohet në sistemin për menaxhimin e mbeturinave, ose të dëshmojë kontratën e nënshkruar (në mes të qiradhënësit dhe qiramarrësit).
- 9.** Nëse gjeneruesi i mbeturinave nuk i paguan obligimet financiare, atëherë të njëjtit mund të nderprehet ofrimi i shërbimit dhe mund të inçoi procedura permbarimore, kamata apo padi civile.

Neni 10

Detyrat dhe Përgjegjësitë e operatorit të kontraktuar për shërbimin e mbeturinave

Operatori ekonomik i kontraktuar nga autoriteti kontraktues, për ofrimin e shërbimeve për mbledhjen, transportimin, grumbullimin, riciklimin dhe shërbime të tjera që përfshihen në kuadër të menaxhimit të mbeturinave, janë të obliguar që të veprojnë sipas kontratës dhe ligjeve në fuqi, të cilat e rregullojnë këtë fushë.

Neni 11

Veprimet e ndaluara

- 1.** Me këtë rregullore ndalohen veprimet si më poshtë:
 - 1.1** Hedhja e mbeturinave ndërtimore në rrugë, trotuare, sheshe apo mjedise publike;

- 1.2 Hedhja e mbeturinave të llojeve tjera në kontejnerë ose në pikat mbledhëse të mbeturinave, të cilat nuk ndahen ashtu siç është paraparë me legjislacionin në fuqi dhe aktet tjera relevante të kësaj fushe;
- 1.3 Hedhja e mbeturinave në hapësirat e përbashkëta brenda dhe jashtë objekteve të banimit kolektiv siç janë; ballkonet, korridoret dhe tarracat e banesave;
- 1.4 Përzierja dhe hedhja e mbeturinave jashtë kontejnerëve të destinuar për ndarjen e mbeturinave të riciklueshme;
- 1.5 Hedhja e mbeturinave në rrugë nga automjetet në lëvizje;
- 1.6 Hedhja dhe deponimi i mbeturinave në hapësirat publike si në rrugë, parqe dhe në vende të tjera publike;
- 1.7 Ndërrimi i vendndodhjes së kontejnerëve, pikave ose vendeve të përcaktuara për hedhjen e mbeturinave, pa autorizim të autoriteteve komunale dhe NPL “Perparimi”.
- 1.8
- 1.9 Djegia e mbeturinave në vende publike, kontejnerë, në pikat mbledhëse dhe ndarëse të mbeturinave;
- 1.10 Shfrytëzimi i mbeturinave si ushqim për kafshët dhe të ngjashme nga kontejnerët ose nga pikat mbledhëse të mbeturinave;
- 1.11 Shfrytëzimi i kontejnerëve publik nga bizneset, veprimtaritë ekonomike për llojet e mbeturinave që nuk përfshihen në përkufizimin “mbeturina komunale dhe komerciale”, për të cilët ekzistojnë kontejner dhe kontrata të veçanta;
- 1.12 Gërmimi, përzierja, derdhja dhe përhapja e mbeturinave të hedhura në kontejnerë, ose në pikat mbledhëse nga personat e paautorizuar;
- 1.13 Hedhja e mbeturinave jashtë kontejnerëve të mbeturinave;
- 1.14 Derrdhja apo rrjedhja e mbeturinave prej automjeteve, gjatë transportimit për në impiantet për trajtim apo për deponim në deponi të mbeturinave;
- 1.15 Ndalimi i transportimit të mbeturinave, pa mbulesë adekuate, me qëllim të pengimit të derdhjes, shpërndarjes apo rrjedhjes së mbeturinave gjatë transportimit me destinacion tek impiantet për trajtim apo në deponi të mbeturinave;
- 1.16 Ndalohet ndryshimi i mënyrës, metodave, teknikës dhe teknologjisë së largimit të mbeturinave në kundërshtim me kushtet e përcaktuara me kontratë.
- 1.17 Ndalohet hedhja në kontejnerë ose në afërsi të tyre të mbeturinave nga pajisjet elektrike, elektronike dhe të vëllimshme.

Neni 12

Dispozitat Ndëshkuese

Ndaj çdo personi fizik ose juridik që ndërmerr veprime me të cilat ndotet mjedisi apo bën shkelje të tjera të parapara me Ligjin Nr. 04/L-060 për Mbeturina dhe plotësim-ndryshimet e tij (Ligji Nr. 08/L-071), do të shqiptohet gjobë mandatare ose do të iniciohet procedurë për kundërvajtje në Gjykatë nga Inspektorët Komunalë ose Policia e Kosovës, konform lartësisë dhe procedurave të përcaktuara në Dispozitat Ndëshkimore të Ligjit në fuqi.

Neni 14
Dispozitat Kalimtare dhe Përfundimtare

1. Pjesë përbërëse e kësaj rregulloreje është edhe shtojca e cila bënë kategorizimin dhe përcaktimin e taksave.
2. Për zbatimin e kësaj rregulloreje kujdesen: Kryetari i Komunës, Drejtoria e Shërbimeve Publike, Drejtoria për inspektime dhe NPL “Perparimi”.

Neni 15
Hyrja në fuqi

1. Me hyrjen në fuqi të kësaj rregulloreje shfuqizohet Rregullorja (KKV) Nr. 05/2020 për Menaxhimin e Mbeturinave në Komunën e Vushtrrisë dhe Rregulloren (KKV) Nr. 03/2022 për Ndryshimin dhe Plotësimin e Rregullores për Menaxhimin e Mbeturinave në Komunën e Vushtrrisë.
2. Kjo Rregullore hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe pas publikimit në ueb faqen e Komunës së Vushtrrisë.

**Kryesues/e i/e Kuvendit Komunal
të Vushtrrisë**

Nën kategoria e parë – Veprimtaritë e vogla zejtare dhe shërbyese me pagesë mujore në vlerë prej: 10.00 €uro	Nënkategoria e dytë – Subjektet e mesme dhe të mëdha komerciale me kosto të ulët të shërbimit me pagesë mujore në vlerë prej: 20.00€uro	Nënkategoria e tretë - Subjektet e mesme dhe të mëdha komerciale me kosto të moderuar të shërbimit me pagesë mujore në vlerë prej: 25.00€uro	Nënkategoria e katërt - Subjektet e mesme dhe të mëdha komerciale me kosto të lartë të shërbimit me pagesë në vlerë prej: ___.__€uro për zbrazje të kontejnerit 1.1m³, dhe në vlerë ___.__€uro për zbrazje të kontejnerit prej 7m³
Kioskat dhe Shitoret dhe dyqanet e madhësisë së ngjashme me të kioskave	Lokalet për shitjen e mjeteve motorike (auto sallonet) dhe mirëmbajtjen automjeteve (duke përfshirë limarët)		Dyqanet e mëdha (super marketet) Furrat e bukës dhe byrektoret
Shitoret e dyqanet e vogla si: shitësit e kafesë, disqeve, kozmetikes, syzeve e thjerrëzave dhe		Kafiteritë dhe lokalet e vogla të ushqimit të shpejtë	Restorantet (për ahengje familjare, salla dasmesh etj.)

suvenireve (dhuratave) të vogla			
Axhustatorët (saldues)	Barnatorët	Shitoret ushqimore dhe podrumet e pijeve	Gjellëtorët
Argjendaritë Frizerët dhe lokalet e tjera të kujdesit personal	Zyrat e shërbimeve profesionale me madhësi mbi 20 m ² siç janë zyrat e vogla të avokatëve, noterëve, përmbaruesve, këshilltarëve financiar	Sallonet e mëdha të mobilieve	Klubet e natës
Orëtarët, Ordinancat	Klinikat e vogla dhe ambulancat stomatologjike me deri në dy karrige për mbeturina komunale	Qendrat sportive	Veprimtaritë hoteliere
Agjencitë Turistike	Serviset e pajisjeve teknike dhe elektronike	Veprimtaritë zejtare më të rënda si limarët dhe xhamaprerësit	Pompat e benzinës me restorant
Rrobaqepësit	Bankat	Spitalet sa i përket mbeturinave komunale	Mishtoret
Këpucëtarët	Sallonet e sanitarisë	Pompat e benzinës me mini market	Thertoret
Fotografët	Qendrat e fitnesit	Veprimtarive të tjera të ngjashme për nga madhësia dhe sasia e mbeturinave që gjenerojnë.	Veprimtari te tjera të ngjashme për nga madhësia dhe sasia e mbeturinave qe gjenerojnë
Butikët	Ordinancat		
Libraritë	Shitoret e vogla përfshirë shitoret sanitare, e mobileve, e auto pjesëve, e tekstitit dhe këpucëve		
Dyqanet e pastrimit kimik	Ndërmarrjet publike		
	Veprimtarive të tjera të ngjashme për nga madhësia dhe sasia e mbeturinave që gjenerojnë.		
Këmbimoret			
Llamarinë – punuesit			
Zyrat e shërbimeve profesionale deri në 20m ² , siç janë: zyrat e vogla të avokatëve, noterëve,			

përmbarduesve, këshilltarëve financiar
Veprimtaritë e tjera të vogla siç janë: Parkingjet, qendrat e video lojërave dhe kurset e gjuhëve dhe teknologjisë
Veprimtari të tjera të ngjashme për nga madhësia dhe sasia e mbeturinave që gjenerojnë

Institucionet publike, OJQ dhe institucionet e tjera me kosto të ulët të shërbimit me pagesë mujore në vlerë prej: __. __ Euro	Institucionet publike, OJQ dhe institucionet e tjera me kosto të mesme të shërbimit me pagesë mujore në vlerë prej: __. __ Euro	Institucionet publike, OJQ dhe institucionet e tjera me kosto të lartë të shërbimit me pagesë në vlerë prej __. __ Euro për zbrazje të kontejnerit 1.1m³ dhe në vlerë prej __. __ Euro për zbrazje të kontejnerit 7m³
Zyrën e Punësimit	Shkollat fillore dhe të mesme Korrik - Gusht	Akademia për Siguri Publike
Agjencioni për Regjistrim Civil	Qendra Kryesore e Mjekësisë Familjare dhe Qendrat e Mjekësisë Familjare	Stacionet Policore
Ambulantet e Mjekësisë familjare	Spitali Regjional Sheikh Zayed – sa i përket mbeturinave komunale	Qendra korrektuese në Smrekonicë
	Halla e Sporteve – Jeton Tërstena – Tota	Institucione të tjera të ngjashme për nga madhësia dhe sasia e mbeturinave që gjenerojnë.
Zyrat e Partive Politike	Stadiumi i Futbollit – Ferki Aliu	Shkollat fillore dhe të mesme Shtator - Qershor
Institucione të tjera të ngjashme për nga madhësia dhe sasia e mbeturinave që gjenerojnë	Stadiumi i Futbollit në fsh. Doberllukë	
	Fakulteti i Sigurisë Publike	
	Gjykata Themelore Mitrovicë – Dega në Vushtrri	
	Institucione të tjera të ngjashme për nga madhësia dhe sasia e mbeturinave që gjenerojnë	